

18/5.3.1976

+ Marionna Soliva-Beer, Sedrun (1887-1975)



(Corr.) La Marionna Soliva ei buca stada ina persuna da gronda publicitat. E tuttina mereta ella ina cuorta menziun en quest liug. Sia veta ei gie stada in survir canticuau al concarstgaun. Da quella qualitat ha ella saviu far diever per propi, cura ch'ella ei daventada 1922 consorta da Duri Vigeli, igl anterius resgiader. Ella daven-ta mumma da 5 affons, dils quals 2 mieran da baret ed in buob da 9 onns. Sper sia atgna famiglia haveva ella aunc da ver quitau da treis quinai: da Giachen Antoni (muliner), Onna Maria (pècca) e da Barla Catrina. Per tuts eis ella stada ina buna casarina e tgirunza entochen la

mort. Malgrad la gronda truscha eis ella sepr-schida da prender en sia famiglia la Turtè (Loretz-Hendry), cura che quella ha piars ses geniturs.

Cura che sias duas feglias ein stadas carschidas e maridades, vess ins pudiu tertgar ch'ella preendi empaui pli lev. Mo quei füss iu encounter la natira dalla defuncta. Ella ei segidada cun sia glieud quei ch'ella ha saviu, e specialmein per ses biadis eis ella stada ina tatta exemplarica.

La Marionna haveva buca mo sia famiglia el tgau, ella haveva era cor per ils malsauns. Quei ei buca vegniu emblidau. Cura ch'ella ei sezza vegnida malsauna, han numerus visitau' ella, demussond cheutras lur renconuschientscha. La pli gronda engrazievlidad ha la defuncta denton astgau guder da sias feglias Anna e Carlina, che han salvau ella tier ellas ed han giu tut quitau, cura ch'ella ei vegnida malsauna. Ch'ella ha astgau star a casia tochen la fin da sia veta, ei stau siu grond giavisch.

Suenter ina liunga veta ei la Marionna ida vi ella perpetnadad, nua ch'ella ha segir retschiert la pagaglia meritada. A nus seigi siu survir desinteressau exempl e muossavia!

Patratgs sin fossa

(Corr.) Avon 34 onns hai jeu entupau quei carstgaun, ch'ins ha surdau quels dis alla tiara benedida: *Sora Pia Dominica Bayer*. Ils davos onns era ei vegniu quiet e solitari entuorn ella. Vegliadetgna e malsogna declaran quei. Adina puspei han anterius scolaras visitau ella. Ellas ein seregurdadas engrazievlamein e bugen ella stanza da malsauns d'ina giuventetgna ventirei-vla cun lur scolasta e menadra.

Las duas activitads da Sora Pia Dominica — ella fuva prefecta digl internat e pli tard fundatura e directura dalla Scola grischuna da tgirunzas a Glion — han mess ella alla via d'entiras generaziuns da giuvnas scolaras e soras.

Tut tenòr la fasa dalla veta e vegliadetgna eis ella stada en siu ault uffeci ina strengta Sora, denzion maina senza humor. Gia duront la scola